

Na osnovu člana 16. stav (4) Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport Zeničko-dobojskog kantona, Vlada Zeničko-dobojskog kantona, na 170. sjednici, održanoj 01.09.2022. godine, d o n o s i

ZAKLJUČAK

o davanju saglasnosti na Protokol o vođenju pregovora radi pregovaranja i zaključivanja Kolektivnog ugovora za djelatnost srednjeg obrazovanja za teritoriji Zeničko-dobojskog kantona

I.

Daje se saglasnost na Protokol o vođenju pregovora radi pregovaranja i zaključivanja i Kolektivnog ugovora za djelatnost srednjeg obrazovanja za teritorij Zeničko-dobojskog kantona.

II.

Ovlašćuju se:

- (1) Prof. dr. Spahija Kozlić, ministar Ministarstva za obrazovanje, nauku, kulturu i sport Zeničko-dobojskog kantona, po ovlaštenju, da kao ovlašteni pregovarač u ime Vlade Zeničko-dobojskog kantona, sudjeluje u pregovorima i potpisivanju dnevnih zapisnika o pregovorima, radi pregovaranja i zaključivanja Kolektivnog ugovora za djelatnost srednjeg obrazovanja za teritorij Zeničko-dobojskog kantona
- (2) Nebojša Vasiljević, dipl. ekonomista, šef Odsjeka za ekonomsko-finansijske poslove, u Sektoru za planiranje i analitiku i saobraćajnu edukaciju, u Ministarstvu za obrazovanje, nauku, kulturu i sport Zeničko-dobojskog kantona, da prisustvuje sastanicima o pregovorima iz prethodnog stava, radi pružanja stručne pomoći ministru Ministarstva za obrazovanje, nauku, kulturu i sport Zeničko-dobojskog kantona.
- (3) Ovlašćuje se dr. Spahija Kozlić ministar Ministarstva za obrazovanje, nauku, kulturu i sport Zeničko-dobojskog kantona da prema potrebi angažuje i druge stručne kadrove, radi dodatnih stručnih konsultacija.

III.

Zaključak stupa na snagu danom donošenja.

Broj: 02-_____/22

Datum, 01.09.2022. godine

Z e n i c a

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,

1x Ovlaštenim (putem ministarstva),

1x Ministarstvo za pravosuđe i upravu,

1x a/a.

PRIJEDLOG

U skladu sa članom 139. Zakona o radu („Sl. novine FBiH“, broj: 26/16 i 89/18) predstavnici ugovornih strana i to:

1. Vlada Zeničko-dobojskog kantona, zastupana po ministru Ministarstva za obrazovanje, nauku, kulturu i sport Zeničko-dobojskog kantona prof. dr. Spahija Kozlić, s jedne strane i
2. Samostalnog sindikata srednjeg i visokog obrazovanja, odgoja, nauke i kulture, Kantonalni odbor Zeničko-dobojskog kantona zastupan po Hadžić Đevadu, s druge strane,

u Zenici, dana _____. godine zaključuju

P R O T O K O L

o vođenju pregovora radi pregovaranja i zaključivanja Kolektivnog ugovora za djelatnost srednjeg obrazovanja za teritorij Zeničko-dobojskog kantona

Član 1.

Ovim Protokolom ugovorne strane definišu postupak i rokove za pregovore, radi pregovaranja i zaključivanja Kolektivnog ugovora za djelatnost srednjeg obrazovanja za teritorij Zeničko-dobojskog kantona. (u daljem tekstu: Kolektivni ugovor).

Član 2.

- (1) Pregovori radi pregovaranja i zaključivanja Kolektivnog ugovora, vode se prema prijedlozima obje ugovorne strane.
- (2) Pregovori iz stava (1) ovog člana, otpočinju od dana potpisivanja ovog Protokola.
- (3) Ugovorne strane su saglasne da je okvirni rok za vođenje pregovora u vezi pregovaranja i zaključenja Kolektivnog ugovora 45 dana, u skladu sa članom 139. stav 3. Zakona o radu.
- (4) Rok za pregovaranje iz stava (3) ovog člana, može se prolongirati, ako se o tome pismeno usaglase obje ugovorne strane.

Član 3.

- (1) Ugovorene strane su dužne u dobroj vjeri pregovarati u predmetu pregovora i učiniti razumne napore da pregovori budu uspješno okončani u planiranom roku, te se suzdržati od radnji koje bi za cilj imale neopravdano odugovlačenje pregovaračkog postupka.

- (2) Mjesto i vrijeme održavanja pregovaračkog sastanka ugovorene strane će dogovoriti sporazumno na kraju svakog sastanka.

Član 4.

Ugovorne strane mogu angažovati stručnjake ili druge zainteresirane osobe u svojstvu savjetnika koje prisustvuju sjednicama ugovornih strana bez prava odlučivanja.

Član 5.

Potpisivanjem ovog Protokola ugovorne strane izjavljuju da njihovi predstavnici koji će voditi pregovore iz člana 2. ovog Protokola, imaju ovlaštenje o vođenju pregovora.

Član 6.

Ugovorne strane su obavezne voditi zapisnik o toku pregovora koji obostrano potpisuju.

Član 7.

- (1) Ugovorne strane se obavezuju da čuvaju kao službenu tajnu sve podatke, informacije, kao i dogovorene prijedloge tokom vođenja pregovora saglasno ovom Protokolu.
- (2) Ugovorne strane se obavezuju da tokom vođenja pregovora saglasno ovom Protokolu neće istupati u javnost u sredstvima javnog informisanja.
- (3) Obaveza čuvanja službene tajne, kao i obaveza neistupanja u javnost u sredstvima javnog informisanja iz stava (1) i (2) ovog člana odnosi se i na osobe iz člana 4. ovog Protokola.

Član 8.

- (1) Ovaj Protokol se smatra zaključenim kada ga u istovjetnom tekstu potpišu obje ugovorene strane.
- (2) Ovaj Protokol je sačinjen u 4 (četiri) istovjetna primjerka, od kojih po 2 (dva) primjerka zdržavaju ugovorne strane.

Vlada Zeničko-dobojskog
kantona zastupana po ministru
obrazovanja, nauke, kulture i
sporta Zeničko-dobojskog
kantona

Prof. dr. Spahija Kozlić

Samostalni sindikat srednjeg i
visokog obrazovanja i odgoja,
nauke i kulture, Kantonalni
odbor Zeničko-dobojskog
kantona

Đevad Hadžić